

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka u 2018.godini, Federalno ministarstvo raseljenih osoba i izbjeglica objavljuje

**Javni poziv
za učešće u Programu pomoći u obavljanju pripravničkog staža
kroz rad bez zasnivanja radnog odnosa povratnika sa VSS
na području Republike Srpske**

I

u općinama Federacije BiH: Bugojno, Busovača, Fojnica, Gornji Vakuf, Kiseljak, Novi Travnik, Vitez, Jajce, Čapljina, Mostar, Prozor Rama, Stolac, Bosansko Grahovo, Drvar, Glamoč, Kupres, Livno, Doboj Jug, Olovo, Vareš, Usora, Zavidovići, Žepče, Odžak, Orašje, Čelić, Doboj Istok, Kalesija, Sapna, Teočak, Foča (FBiH), Pale (FBiH), Bosanski Petrovac, Bosanska Krupa, Ključ i Sanski Most

I

Svrha Javnog poziva:

Javni poziv se objavljuje u svrhu prikupljanja prijave fizičkih lica – povratnika ili članova povratničkih domaćinstava, sa visokom stručnom spremom, kao i prijave pravnih lica (organi uprave, javne ustanove, javna ili privatna preduzeća, zadruga, obrtnici, udruženja i sl.) - zainteresovanih za angažovanje prijavljenih kandidata, u okviru Programa pomoći u obavljanju pripravničkog staža/stručnom osposobljavanju, kroz rad bez zasnivanja radnog odnosa, povratnika sa područja Republike Srpske i navedenih općina Federacije Bosne i Hercegovine.

II

Pravo na učešće u Programu imaju kandidati koji ispunjavaju slijedeće kriterije:

A) Opći kriteriji za fizička lica / nezaposlene povratnike sa VSS

1. da su povratnici ili članovi povratničkih domaćinstava iz reda manjinskih naroda na području općine prebivališta u Republici Srpskoj ili u navedenim općinama Federacije Bosne i Hercegovine;
2. da imaju prijavljeno prebivalište u općinama na području Republike Srpske ili u navedenim općinama Federacije BiH;
3. da imaju VSS – VII stepen stručne spreme, prvi, drugi ili treći ciklus Bolonjskog sistema studiranja, na jednoj od visokoškolskih ustanova u Bosni i Hercegovini ili inostranstvu;
4. da se nalaze na evidenciji nezaposlenih lica kod nadležne službe za zapošljavanje;
5. da nemaju odgovarajuće radno iskustvo nakon sticanja visoke stručne spreme.

B) Opći kriteriji za pravna lica / poslodavce

1. da su pravna lica registrovana u skladu sa važećim zakonima čije je područje djelovanja u Republici Srpskoj ili navedenim općinama FBiH (organi uprave, javne ustanove, javna ili privatna preduzeća, zadruga, obrtnici, udruženja i sl.);
2. da ima izmirene obaveze po osnovu poreza i doprinosa u skladu sa zakonom;
3. da je ekonomski sposoban da realizuje program;
4. da nije pokrenut stečajni odnosno likvidacioni postupak ;
5. da su spremni organizovati obavljanje pripravničkog staža za najmanje jednog kandidata.

III

Prijava na Javni oglas treba obavezno da sadrži slijedeće dokumente:

A) Prijava - fizička lica

1. Čitko popunjenu i potpisanu prijavu na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Terezije 56. Sarajevo;
2. Originalno uvjerenje/obavještenje o prebivalištu (CIPS), ne starije od 30 dana izdato u općini povratka;
3. Uvjerenje/potvrdu o ostvarenom povratku sa naznakom godine povratka za nosioca domaćinstva u kojem aplikant živi (izdato od nadležnog organa, original ili ovjerena fotokopija);
4. Ovjerena izjava o zajedničkom domaćinstvu/kućna lista, ne starija od 6 mjeseci;
5. Ovjerena kopija diplome ili uvjerenje o završenoj stručnoj spremi (nostrificirana diploma ukoliko fakultet nije završen u BiH);
6. Uvjerenje nadležne službe za zapošljavanje da se kandidat nalazi na evidenciji nazaposlenih osoba, ne starije od 3 mjeseca;
7. Lična izjava kandidata da do sada nije obavio pripravnički staž, odnosno da nema odgovarajuće radno iskustvo koje je uvjet za rad u struci, ovjerena od strane općinske službe za ovjeru potpisa ili kod notara.

B) Prijava - pravna lica

1. Čitko popunjenu, potpisanu i ovjerenu prijavu na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Terezije 56. Sarajevo;
2. rješenje o osnivanju pravnog lica (akt o osnivanju);
3. rješenje o registraciji poreskog obveznika u Poreskoj upravi (JIB);
4. potvrda banke o likvidnosti pravnog lica;
5. dokaz da prema pravnom licu nije pokrenut stečajni odnosno likvidacioni postupak;
6. poresko uvjerenje o izmirenim obavezama po osnovu javnih prihoda.

Napomena: Dokumenti od 2. do 6. se dostavljaju kao original ili ovjerena fotokopija ne stariji od 30 dana, a isti nisu obavezni ako je aplikant organ uprave, institucija, javna služba ili ustanova

IV

Sa odabranim kandidatima će se zaključiti ugovor o stručnom osposobljavanju ili ugovor o stručnom usavršavanju, bez zasnivanja radnog odnosa, u trajanju do godinu dana.

V

Prava i obaveze učesnika u Programu bit će uređena u skladu sa odredbama Zakona o radu Republike Srpske ("Službeni glasnik RS", broj: 1/16) odnosno Zakona o radu Federacije BiH ("Službene novine FBiH", broj: 26/16).

VI

U slučaju prijavljivanja većeg broja kandidata u odnosu na raspoloživa sredstva, prednost će imati kandidati koji duži period čekaju na zaposlenje, a u posebnim slučajevima će se, za potrebe konačnog izbora, imenovati komisija koja će obaviti intervju sa kandidatima.

VII

U slučaju prijavljivanja nedovoljnog broja pravnih lica u odnosu na broj prijavljenih kandidata, kao i u obrnutom slučaju, Ministarstvo zadržava pravo da prema potrebi, putem pregovaranja sa pravnim licima, odnosno preko općinskih organa ili biroa za zapošljavanje, u program uključi i dodatne učesnike, te proširi listu općina za potencijalne poslodavce odnosno pravna lica sa područja Federacije BiH.

VIII

Prijave sa svim traženim dokumentima dostaviti lično ili poštom preporučeno, sa naznakom "Prijava na Javni poziv za program VOLONTERI – ne otvarati" na adresu:

**Federalno ministarstvo raseljenih osoba i izbjeglica
Hamdije Čemerlića 2
71000 Sarajevo**

(Na poledini koverta navesti naziv/ime i prezime podnosioca, tačnu adresu i kontakt telefon)

Javni poziv ostaje otvoren 30 dana od dana objavljivanja

Nepotpune i neblagovremene prijave neće se uzimati u razmatranje.

Broj: 03-36- 2-118-1/18
Sarajevo, 01.06.2018.godine



MINISTAR

dr. sci. Edin Ramić